

Newspaper
Date

SelangorKini
11 March 2016

Utama
SelangorB14 11 - 18 Mac 2016 | 3

Ke arah negeri pintar

Selangor tekad kekal destinasi pelaburan utama

OLEH SYASYA SUFIAN

SHAH ALAM - Kerajaan Selangor akan terus memastikan negeri itu kekal sebagai destinasi pelaburan dan perdagangan pilihan utama di Malaysia.

Menteri Besar, Dato' Seri Mohamed Azmin Ali, berkata ia selaras dengan hasrat menjadikan Selangor sebagai negeri pintar bertaraf dunia untuk jangka masa panjang.

"Idea ini boleh direalisasikan jika semua sektor seperti perkilangan, perniagaan dan komersial berada di barisan hadapan untuk memacu pertumbuhan pembangunan bersama.

"Fokus ke arah matlamat sama adalah perkara penting bagi memastikan pembangunan sebuah kerajaan dibentuk rakyat dapat dicapai," katanya pada sesi dialog dan minum petang bersama Persatuan Pengilang Pengilang Malaysia (FMM) di Hotel Concorde, baru-

baru ini.

Terdahulu, katanya, Kerajaan Negeri melancarkan Kem Boot Akademik dengan penyertaan 100 perintis yang baru menamatkan pengajian dari universiti tempatan dan luar negara.

Katanya, inisiatif itu adalah sebahagian daripada matlamat menuju Smart Selangor untuk meningkatkan kebolehpasaran sumber manusia.

"Keperluan bagi melengkapkan anak muda dengan kemahiran insaniah adalah penting yang tidak diajar di mana-mana universiti.

"Selangor juga sudah melaksanakan beberapa program baru untuk anak muda dengan kerjasama Selangor Human Resource Development Centre (SHRDC) melalui program latihan seperti *Internship for High Impact Talent* dan *Youth Enhancement Strategic Selangor (YES)*," katanya.



Mohamed Azmin memberi penjelasan berkenaan matlamat menuju Smart Selangor

"Najib, no more monkey business"

SERENDAH - Negara perlu dipulihkan dengan rakyat mengangkat kepimpinan pentadbiran baru di peringkat pusat dalam pilihan raya umum akan datang.

Menteri Besar, Dato' Seri Mohamed Azmin Ali, berkata masalah dihadapi negara kini berpunca daripada kepimpinan negara mengenyamping kepentingan rakyat.

"Kita sedang berhadapan masalah cukup besar antaranya ekonomi, kos sara hidup dan nilai ringgit semakin rendah di mana ini semua berlaku ekoran pentadbiran di Putrajaya di bawah Perdana Menteri, Datuk Seri Najib Razak.

"Beliau yang bertanggungjawab merosakkan ekonomi negara dan kita kena tolak Umno BN dalam pilihan raya akan datang," katanya dalam Majlis Rumah Terbuka Tahun Baharu Cina di sini pada 5 Mac lalu.

Mohamed Azmin berkata, negara memerlukan kepimpinan baru di Putrajaya supaya keadaan berlaku masa kini dapat dipulihkan.

Katanya, bagi mencapai tujuan itu, rakyat dari pelbagai latar be-

lakang, agama dan bangsa perlu bersatu dengan mengenyampingkan fahaman politik dan ideologi masing-masing.

"Walaupun Putrajaya bermasalah, kita di Selangor bergembira dengan mencatatkan ekonomi baik dan pengurusan kewangan bertanggungjawab di mana sekarang kita mempunyai simpanan rezaib RM3.1 bilion dan ini bukan duma dari Arab," katanya.

"Kita hendak ingatkan kepada Najib di Putrajaya 'no more monkey business,'" katanya.

Lima teras utama asas pembangunan Selangor

SHAH ALAM - Kerajaan Selangor terus komited membangunkan ekonomi dan meningkatkan infrastruktur perindustrian bermatlamatkan lima teras utama.

Menteri Besar, Dato' Seri Mohamed Azmin Ali, berkata kelompok itu merangkumi pelbagai industri dari angkasa lepas dengan farmaseutikal yang menawarkan instrumen lebih terancang melalui Pelan Induk Perindustrian baru.

"Apa yang kita perlu adalah pembentukan sebenar agenda pembangunan industri untuk masa hadapan dan pelan tindakan lebih strategik," katanya.

Pada masa sama, Mohamed Azmin berkata, Kerajaan Negeri juga menasarkankan peningkatan kemudahan awam di dua taman industri baru bahagian utara dan selatan Wilayah menjelang 2019.

"Kita juga akan meningkatkan

TERAS UTAMA ASAS PEMBANGUNAN SELANGOR

- Elektrik dan elektronik (E&E)
- Kelengkapan pengangkutan
- Kehidupan sains
- Perkhidmatan perikanan (F&B)
- Jenfara dan peralatan (M&E)

rangkaiannya pengangkutan yang berkualiti kerana ia membantu pembangunan ekonomi serta kepentingannya sebagai peregerakan pengangkutan.

"Kerajaan Negeri kini dalam usaha memuktamadkan Pelan Induk Pengangkutan baru dan konsep bandar pintar akan dilaksanakan," katanya.

Wajibkan amalan isytihar harta elak korupsi

SHAH ALAM - Enakmen mewajibkan seluruh Ahli Dewan Negeri (ADN) di Selangor dan Adun Pulau Pinang membuat pengisytiharan harta perlu dilaksanakan.

Speaker Dewan Negeri Selangor (DNS), Hannah Yeoh, berkata ketetapan itu diperlukan bagi memastikan negeri terbabit bebas daripada korupsi dan penyelewengan.

"Enakmen yang ada sekarang ini bukan atas dasar kewajipan, ia hanya sekadar sukarela.

"Sebab itulah pada masa depan kita harapkan kedua negeri ini mewatirkan enakmen



Enakmen yang ada sekarang ini bukan atas dasar kewajipan, ia hanya sekadar sukarela

HANNAH YEOH
Speaker DNS

sedia ada sekali gus menjadikan perkara ini sebagai kewajipan kepada semua," katanya.

Beliau berkata demikian ketika ditemui pemberita dalam forum Deklarasi Aset di Bangun-

an Annex Dewan Negeri Selangor, pada 3 Mac lalu.

Kerajaan Selangor antara negeri terawal meneruskan deklarasi pengisytiharan harta melibat beberapa Exco, ADN dan Ahli Parlimennya.

